



Broj: 14-02-04-01607/25

Datum: 01. 04. 2025. godine

- 2 -04- 2025

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa DŽ. Čauševića br. 1
71000 Sarajevo
N/r Elvedin Okerić, predsjedavajući

PREDMET:Odgovor na zastupničku inicijativu zastupnice Vedrane Vujović, dostavlja se;
VEZA: Vaš akt, broj: 01-04-8708/25 od 14.03.2025.godine

Vašim aktom broj i datum veze, zaprimljenim dana 20.03.2025.godine, a koji se tiče zastupničke inicijative zastupnice Vedrane Vujović, upućene na 20. radnoj sjednici Skupštine Kantona Sarajevo, održanoj 14.03.2025. godine, a koja glasi: "

Za dostavu sveobuhvatne informacije i provedbu inspekcijskog nadzora na Kliničkom centru Univerziteta u Sarajevu povodom informacija koje su se pojavile u javnosti, a tiču se beba rođenih na Klinici za ginekologiju i akušerstvo KCUS kojima je dijagnosticiran meningitis netom po izlasku iz porodilišta, te su primljeni na odjel neonatologije početkom januara 2025. godine.

Od izuzetne je važnosti ovom problemu pristupiti odgovorno, stručno i transparentno, te blagovremeno preventivno djelovati i sve posljedice efikasno sanirati.

Napominjem da su ove informacije uznemirile javnost, te po provedbi inspekcijskog nadzora i utvrđivanja svih relevantnih činjenica, tražim da Vlada Kantona Sarajevo o istom izvijesti Skupštinu Kantona Sarajevo i širu javnost.", dostavljamo Vam informaciju o provedenim inspekcijskim kontrolama, vezanim za predmetni slučaj, kako slijedi:

Naime, od mjeseca juna 2024. godine uspostavljena je pojačana kontrola provođenja mjera kontrole i suzbijanja bolničkih infekcija, u koordinaciji sa JU "Zavod za javno zdravstvo Kantona Sarajevo" koji, takođe, vrše kontrolu i praćenje bolničkih infekcija, a o uočenim nedostacima i nepravilnostima informišu sanitarnu inspekciju Kantonalne uprave za inspekcijske poslove Kantona Sarajevo. Slijedom istog sanitarna inspekcija provodi sanitarno-inspekcijski nadzor i donosi upravne mjere shodno utvrđenom činjeničnom stanju.

1. Dana, 23.01.2025. godine u 14:50 h, putem službenog e-maila zaprimljena je informacija od strane JU "Zavod za javno zdravstvo Kantona Sarajevo" o sumnji na pojavu epidemije na Kliničkom centru Univerziteta u Sarajevu, zbog sumnje da su tri bebe zaražene u bolničkim uslovima bakterijom *Enterobacter cloacae*, te su sa simptomima sepsa i meningitisa, a što je

utvrđeno na osnovu zaprimljenih Prijava bolničkih infekcija (dvije prijave zaprimljene 17.01.2025. godine, a jedna prijava zaprimljena 22.01.2025. godine).

Slijedom navedenog, **odmah** 24.01.2025. godine izvršen je sanitarno inspekcijski nadzor na Klinici za ginekologiju i akušerstvo Kliničkog centra Univerziteta u Sarajevu, s ciljem kontrole provedbe mjera, shodno Zakonu o zaštiti stanovništva od zaraznih bolesti ("Sl. novine FBiH", broj 29/05).

Sanitarna inspekcija Kantonalne uprave za inspekcijske poslove Kantona Sarajevo izvršila je inspekcijski nadzor iz svoje nadležnosti - kontrolisane su poduzete mjere kako u operacionim i porođajnim salama, tako i na odjeljenjima gdje se vrši obrada novorođenih beba. Kako su već bile poduzete propisane mjere, sanitarna inspekcija je zatražila da se pojačaju higijensko-sanitacijske mjere radi predostrožnosti, da se nastavi kontrola materijala na higijensku ispravnost mikrobiološkom analizom briseva, te da Bolnička komisija za kontrolu i praćenje bolničkih infekcija u kontinuitetu prati poduzimanje mjera, kao i rezultata.

Prijava epidemije zarazne bolesti dostavljena je nadležnim zavodima za javno zdravstvo, u kojoj je naveden period početka epidemije 14.01.2025. godine, te datum otkrivanja epidemije 16.01.2025. godine, broj oboljelih 3. Datum Odjave epidemije zarazne bolesti je 27.01.2025. godine, bez promjene broja oboljelih (3).

Radi daljeg pojačanog praćenja izvršen je inspekcijski nadzor i 07.3. 2025. godine, te 14.3.2025. godine, s ciljem pojačanog praćenja provođenja mjera koje su propisane programom suzbijanja, kontrole i praćenja bolničkih infekcija.

Naime, sanitarno-inspekcijski nadzor provodi se na osnovu Pravilnika o uslovima i načinu provođenja mjera za sprječavanje i suzbijanje bolničkih infekcija ("Sl. novine FBiH" broj 84/10), te Pravilnika o uslovima i načinu provođenja mjera za sprječavanje i suzbijanje bolničkih infekcija ("Sl. novine Kantona Sarajevo" broj 41/22), a koji decidno propisuju mjere za suzbijanje, sprječavanje i praćenje bolničkih infekcija.

Obzirom na potrebu kontinuiteta praćenja, sprječavanja i suzbijanja bolničkih infekcija, sanitarna inspekcija je naložila da se obezbijedi Plan kontrole žive i nežive sredine s ciljem provođenja preventivnih i specifičnih mjera, planirajući internu i eksternu kontrolu, te da se obezbijedi Plan edukacije o sprječavanju, suzbijanju i praćenju bolničkih infekcija za cjelokupno zdravstveno i nezdravstveno osoblje, te da se provodi edukacija i da se o istom vode evidencije.

Sanitarna inspekcija Kantonalne uprave za inspekcijske poslove Kantona Sarajevo će i dalje nastaviti pojačano vršiti sanitarno-inspekcijske nadzore na Kliničkom centru Univerziteta u Sarajevu, kako bi se uspostavila što bolja kontrola glede intrahospitalnih infekcija, uz koordinaciju sa JU "Zavod za javno zdravstvo Kantona Sarajevo".

Usvajanje i poštivanje programa za kontrolu i sprječavanje širenja bolničkih infekcija je od iznimnog značaja, kao i kontinuiran timski rad i nadzor nad uposlenicima, bolesnicima, bolničkom sredinom, sterilnošću materijala, upravljanju medicinskim otpadom itd, a što sanitarna inspekcija konstantno potencira u svim zdravstvenim ustanovama.

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

Akt sačinila: Selma Suljević

